

中

興

禮

書

中興禮書第六十六卷

吉禮六十六

明堂行禮殿大小次

附壇殿次附

紹興元年三月二日太常少卿蘇遜等言勘會見遵奉
手詔討論將來合祭天地並配祖宗一遵皇祐詔書竊
詳皇祐間移郊為大享係于大慶殿設位今來行宮常
御殿比之大慶殿間例不同今欲乞朝廷指揮下皇城
司許令有司將帶合干人定日至常御殿上下并兩廊
相度設位去處詔依

三日宰執進呈太常寺相視常御殿將來行明堂大禮
欲以板木貼出地步上曰板木不易得恐費財擾民不
若止用上築

四月三日禮部御史臺太常寺言謹按國朝禮例仁宗皇帝皇祐二年九月辛亥大享于明堂嘉祐七年九月辛亥大享于明堂寔以大慶殿為之今乞以常御殿設位行禮詔依

七月二十九日禮部太常寺言勘會自來明堂大禮設饌帳于明堂門外今來明堂大禮饌慢乞下儀鸞司于常御殿門外東廊西向釘設及乞下修內司修築上下慢道詔依

九月九日太常寺言將來明堂大禮已降指揮用九月十八日今參酌合申請事件下項 一至日行禮若值雨降乞更不還小次所有皇帝經由道路今相度欲自內殿大次出門經由常御殿門外之東宰執待班幕次

仍乞拆去西壁入常御殿正門由東廊升殿側階至板位以俟行禮畢降東階下稍西南向望燎訖次由東廊至殿門裏北向望瘞訖還大次乞下修內司儀鸞司相度經由道路合用油幕屋去處施設一值兩行事執事陪祠官並依明堂禮例移班于東西廊上殿門內上隨地之宜立班行事官依儀升西階俎饌入正門由西廊升西側階奠獻畢降西階升東廊歸本班一至日行禮自內殿大次奏請前導皇帝詣常御殿行禮今欲乞自內殿當中至殿下轉西至常御殿門皆合修治砌壘階基慢道乞下修內司施行一依儀合置燎壇于殿之東南丙地東西南各出陞今來修內司見行修築緣殿內地步窄隘乞除南陞依儀修築外其西陞相

度昭殿中門不妨至日御路東陞依西陞長短丈尺隨
宜修築所貴不礙行事班路詔依

四年三月二十八日禮部太常寺言檢會紹興元年太
常少卿蘇遲等劄子今來御殿比之大慶殿間例不同
欲乞下皇城司許令有司官合千人預行定行日至常
御殿上下并兩廊相度設位去處所有今來明堂大禮
亦合預行相視欲乞依前項指揮施行仍乞指揮內東
門司許令一就相視射殿詔依四月九日官更赴行宮
相視得射殿前地可以
相從祀神位即今未有屋宇詔今修內司監安府同共
相度于教場內就射殿基址修蓋殿一座先將東大禮
正配四

位行禮

六月二十四日禮部太常寺言今來明堂大禮已降聖
旨于射殿基址修蓋殿一座將來大禮正配四位行禮

今參酌到合行事件下項 一欲乞于常御殿奏請致齋于殿上御屏風後東西兩壁設東西房殿後設西閣及齋室並乞令儀鸞司相度隨地之宜排辦釘設 一合設小次依儀係于行禮殿東階之東西向今來所設小次乞依例令儀鸞司于見修蓋殿東階之東西向釘設排辦 一依儀合設大次今來明堂大禮合用大次二一于行禮殿門外之東西向一于常御殿門外近南就南宮門上內南宮門上大次係准兩併行禮並乞令儀鸞司釘設將來明堂行禮日竊慮至時不測雨降所有自大次經由新聞使門至行禮處欲乞令儀鸞司依自來在京明堂禮例結縛釘設幕屋所有經由道路內如有修築慢道去處亦乞令修內司修築詔依

七月二十二日權工部侍郎蘇遜言竊見儀鸞司定到明堂大次二座合用絹一千二百八十餘匹布八百五十餘匹其他雜物數目不少係用東京舊例承指揮工部裁減本部雖追呼到本司工匠定奪終是所減不多伏見朝廷舉行明堂盛禮諸事務從簡素近日造道遙子有司雖知所費之多不敢陳述尋奉聖旨減罷今來大次在明堂只為一事而費用太多竊恐朝廷自不欲如此漢文帝露臺之直百金尚寢而不為今二次用于頃刻之間其費何止百金在有司言之惟恐供奉之物有不如儀在人君言之惟恐恭儉之德有愧于古兼昨來紹興元年明堂不曾設大小次雖臨安殿廡與紹興不同猶恐可以從宜排辦庶幾不至傷財欲乞下太常

寺同儀鸞司重別詳定俾儉而足用乃稱今日行禮之意太常寺狀契劄紹興元年明堂大禮所設大次係于殿門外就宰執奉事內殿作大次即不曾創行結縛釘設詔令儀鸞司止大次一座就南宮門上隨宜釘設四日禮部侍郎與美字行未明堂大禮儀鸞司自齊殿來等至殿門外大次降筆入次出至殿上執位行禮先中請乞設大小二續承指稱止設大次一於勤苦非殿西序上北大次降筆皇帝少主殿上委是地步極遠故于行禮殿門外之東南向今殿安所同修內司修蓋元至三間儀鸞司如法釘設大次委是不至旁

二十八日禮部太常寺言將來明堂行禮日若值雨降皇帝經由道路今相度欲乞自常御殿皇帝服通天冠絳紗袍乘輦由殿正門至南宮門大次降輦俟奏中嚴外辨訖皇帝服袞冕由新置便門循西廊由幕屋過東

廊升殿東側階至版位以俟行禮畢更不入小次其望燎位欲乞降東側階東廊至幕屋望燎壇南向望燎訖次詣望瘞位北向望瘞訖奏禮畢由西廊還大次詔依九月七日禮部言據太常寺申勘會今來明堂大禮修蓋行禮殿畢上本寺官前去行禮殿上下按視除別無妨礙外若行禮日值雨降俟行禮畢前導皇帝降東側階循東廊至幕屋望瘞坎北向望瘞訖禮儀使詣禱位南向奏禮畢今來露屋下止可鋪設皇帝望瘞禱位即無禮儀使南向奏請禱位地步今欲依親祠廟饗宗廟禮例俟皇帝還大次就大次前奏請禮畢所貴不致妨礙詔依

七年四月六日太常少卿吳表臣等言勘會已降指揮

將來行明堂大禮契勘紹興元年係于常御殿設位四
年係于射殿設位行禮今來即未有設位去處欲乞依
逐次大禮體例定日至常御殿上下并兩殿可與不可

作大次詔依四月二十七日禮部太常寺司禮監
其南北止深五尺五寸五分御殿東西可與不可

又五寸五分御殿東西可與不可
設五寸五分御殿東西可與不可
設五寸五分御殿東西可與不可

設五寸五分御殿東西可與不可
設五寸五分御殿東西可與不可
設五寸五分御殿東西可與不可

設五寸五分御殿東西可與不可
設五寸五分御殿東西可與不可
設五寸五分御殿東西可與不可

設五寸五分御殿東西可與不可
設五寸五分御殿東西可與不可
設五寸五分御殿東西可與不可

設五寸五分御殿東西可與不可
設五寸五分御殿東西可與不可
設五寸五分御殿東西可與不可

禮部更依大次全儀司移于常御殿奉儀門外東廊上
大次依舊紋綺卷

十年四月二十八日禮部太常寺言勘會昭紹興四年
明堂大禮從祀神位並於射殿前修蓋席屋東西兩廊
各合用屋三十二間每間濶一丈五尺五尺七尺所有今未明
堂大禮合用席屋欲乞令修內司臨安府除見今已修
蓋兩廊尾屋外依紹興四年例計會太常寺修蓋施行
詔依

五月四日禮部太常寺言勘會昨紹興七年明堂大禮
前二日朝獻景靈宮係于常御殿設位行禮今來合於
射殿設位行禮詔依

閏六月十七日禮部太常寺言將來明堂大禮設小次

于阼階之東西其前二日朝獻景靈宮依儀不設小次
所有明堂大禮小次若俟朝獻景靈宮禮畢旋行結縛
竊慮釘設不及欲令儀鸞司將明堂小次儀依預行釘
設至景靈宮行禮日令本司用幕遮圍依儀更不奏請
還小次詔依

九月四日詔將來詣明堂行禮并朝獻景宮靈並于明
堂正門西降輦步至大次

三十一年二月二日禮部太常寺言勘會紹興十年明
堂大禮依儀設小次於行禮殿東階下之東西向所有
將來明堂大禮欲乞依例令儀鸞司結縛仍將小次簷
後接東廊結縛釘設排辦詔依

四月十九日禮兵部言太常寺狀契勘將來明堂大禮

依儀于行禮殿門外之東南向設大次俵令修內司同儀鸞司結縛釘設排辦詔依

同日禮部太常寺言勘會將來明堂大禮已降指揮射殿作明堂殿行禮所有後殿作文德殿致齋依儀樞密院官以下詣垂拱殿起居并車駕經由去處及合於明堂殿上并兩廊設神位鋪設禮器殿門外之東南向設大次殿下東階之東設小次殿門內修築燎壇并設宮祭樂舞等乞從禮部定日行下太常寺閱報應奉官司前去相視詔依

八月四日禮部太常寺言勘會明堂大禮行事日皇帝自齋殿服通天冠絳紗袍乘輿出齋殿入新置便門裏明堂門外稍西降輿少入大次服袞冕前導官導皇帝

出大次入自正門由宮架東升自東階至版位詔依十五日禮部太常寺言今參酌合行申請事件下項一將來明堂大禮皇帝合自齋殿乘輿入新置便門至行禮殿門稍西降輿步至大次竊慮至時不測值雨欲乞自齋殿施雨具至新置便門上降輿步由西廊并行禮殿門入大次東門更衣以俟行禮一將來明堂大禮竊慮至時不測側值雨今欲乞禮儀使於大次東門面西奏請訖皇帝由大次東門向西入行禮殿中門沿廊向東由東廊向北升殿東側階至版位行禮詔依十七日禮部太常寺言勘會今來明堂大禮已降指揮皇帝親享行禮依禮例俟修內司儀鸞司臨安府等處結縛大小次并修砌車駕經由道路修築燎壇等一切

畢工五使并事務所官屬禮部太常寺官禮直官等及
應奉官司詣明堂殿內外按視欲乞三省行首司定日
行下關報應奉官司詔依

後依

淳熙六年三月二十五日禮部太常寺言勘會今歲明
堂大禮今檢照明堂大禮體例大慶殿作明堂殿行禮
後殿作文德殿致齋及合于明堂殿上并兩廊設神位
版鋪設神席祭器拜席褥殿門外之東南向設大次殿
下東階之東設小次禮部太常寺與應官司各各預行
前去逐處相視如有合行事件並乞令各行條具申請
施行詔依

四月十九日禮部太常寺言今相視到有合行申請事
件下項 一今相視欲于垂拱殿門裏東廊上隨宜充

大次至行禮日皇帝自齋殿乘輿出齋殿入垂拱殿門
裏降輿入大次服袞冕前導官前導皇帝出大次入行
禮殿放班門降西廊由宮駕前升東階至版位行禮俟
行禮畢前導官前導皇帝降東階由宮祭王之次次以
東至隔門上望燎訖禮儀使奏禮畢由西廊運大次仍
乞於儀注內修定 一今來依已降指揮所設神位並
依南郊禮例係七百七十一位今來殿上鋪設昊天上
帝皇地祇太祖皇帝太宗皇帝四位所有從祀神位七
百六十七位今相視得東西兩朵殿可鋪設五方帝至
五嶽二十五位其餘從衆星於東廊三十五間可鋪設
二百八十八位西廊三十一間可鋪設二百四十八位南
廊一十一間可鋪設六十六位係每位遵豆盞簋俎南

北合濶一尺八寸七分以上廊廡通計可鋪設五百九十四位外有一百四十八位今欲于南廊之前連簷修蓋尾屋南北入深五丈與東西廊相接重行鋪設神位一百四十八位 一今來依儀合設饌幔今欲於新置便門外幔道下空閑地上隨宜結縛椽蓋屋二間充設饌幔 一明堂殿內東西廊設從祀神位其行事分獻官升降行禮合修砌幔道及齋殿至明堂行禮殿車駕經由道路有合平治去處及行禮殿西廊放班門北幔道條車駕經由升降去處合行幫砌並乞令修內司相度平治修砌 一逐次明堂大禮安掛明堂牌并于秦請致齋殿鋪設御榻并條修內司所掌今來欲乞依例合修內司預先計置排辦 一齋擎神位版及祭器等

之意詔依

燎壇瘞坎

紹興元年七月二十九日太常寺言明堂大禮祀上帝
依儀于燎壇升煙燔牲首今依已降詔書合祭天地其
祭地又合瘞血于西北方壬地今未常御殿後係壬地
又緣係是內中今欲依宗廟瘞坎禮例于常御殿下西
階之東開塹瘞坎乞令本寺于行事前期計會修內司
指引開塹詔依

四年七月十四日禮部太常寺言今未明堂大禮依自
來禮例修築燎壇于東南丙地開塹坎于西北壬地內
瘞坎近會到修內司殿之東西北係禁中別無空地今
相度除燎壇合依禮例係修內司于今來行禮處東南

修築外其瘞坎欲乞依紹興元年禮例於殿下西階之東開塹並乞從太常寺指引令修內司修築開塹詔依七年四月二十七日禮部太常寺言所有今來明堂大禮合開瘞坎今相視得常御殿後亦係禁中別無開塹去處欲乞依禮例于常御殿下西階之東開塹其前二日朝獻景靈宮亦合修築燎壇一座今已條具乞修築明堂燎壇欲乞朝獻景靈宮日就用上件燎壇施行詔

依十一年
依此年

三十一年二月二日將來明堂大禮已降指揮係祀上帝行禮合于行禮殿東南修築燎壇欲乞依例聞報修內司修築施行詔依是殿大享以殿宗皇帝祀上帝不設空地祇位故不用瘞坎矣八月一日禮部太常寺言將來秋季大享明堂前二日

朝獻景靈宮合用燎壇乞闕報所屬修築施行詔依

禮部

淳熙六年四月七日禮部太常寺言檢照皇祐明堂行禮儀注陳設置燎壇於明堂廷之東南隅望燎今來明堂大禮所設燎壇欲乞依上件典禮施行詔依

中興禮書第六十七卷

吉禮六十七

明堂五使

紹興元年八月二十六日詔明堂大禮使差秦祿禮儀
使兼禮衛使李回禮器使兼禮頓使富直柔並更不置
司合行事令三省禮房專行今具下項 一五使合行
事並令有司隨事中稟赴尚書省開拆房投下一令尚
書省開拆房承受官司申五使文字發付禮房遞承受
申五使文字隨事呈稟請筆押印行遣更不通押一文
字并用尚書省印一有合取會有司事務依例押提點
貼子取索

四年七月一日禮部太常寺言起復尚書右僕射朱勝

非劄子奏臣去年四月丁母憂至八月奉制書起復近
累具奏陳乞罷機政歸持餘服恭惟聖恩深厚未賜俞
允朝夕惕懼不敢安職竊見九月明堂大禮宰執例差
五使臣身有衣制深慮不合陪侍親祠伏望聖慈令有
司討論典禮付臣遵守詔令禮部太常寺同共討論聞
奏檢會太常因革禮慶歷七年知禮院邵必言古之君
子未有居父母喪而輒與國家大祠祭者今制但不許
入太廟奉慈廟至於南郊壇景靈宮皆許之行事臣詢
諸司言自來臣僚有父母服者雖云不許入太廟然皆
得至齋宮幹當但不入神門行禮其南郊雖至壇所無
禁况齋宮在廟門之內郊壇乃按神之所吉凶相漬莫
此為甚臣又乞今後郊廟行禮應有臣僚居父母喪而

被起者並不許赴復疏奏詔禮官議以聞禮院言郊祀
大禮國之重事百司聯職僅取濟集若居喪被起之官
悉不與事則或有妨闕但不以慘租之容接于祭次則
亦可行按太常行禮自今宗室及文武官有遭喪被起
及卒哭赴朝參者遇太廟會聽不入若緣郊祀大禮唯
不入宗廟外其郊壇景靈宮得權從吉服陪位或差攝
行書著祭服無嫌伏緣今來遭喪被起者悉有職事難
以盡廢欲今後大祭祀應有父母喪被起者依舊不得
入宗廟外其郊壇所聽權從吉服行本職事唯不得入
壇門庶協禮意亦不廢官守詔可禮部太常寺勘會自
自來大禮使係差宰臣兼太常因革禮所載被起官聽
權從吉服行本職唯不入壇壇門今討論將來明堂大

禮若差本官充大禮使欲依上件故事領大禮使執事
唯不入殿門其行禮日乞別差以次官通攝大禮使行
禮貼黃稱彙勘會若依今未討論事理本官除奏請致
齋自合立班外其受戒立班及致齋雖不合赴赴又緣
受誓戒致齋祀事正隸大禮所使總所有受誓戒日本
官自合入省及前三日亦合宿省治事欲乞一就降旨
施行詔依

二十六日禮部言勘會自宋大禮御札降依條例合差
置五使並更不置司合行事令三省禮房專行所有今
宋明堂大禮取自朝廷指揮詔差大禮使朱勝非禮儀
使孟庾禮衛使趙鼎禮器使彙禮頌使胡松年餘依紹
興元年例施行

其禮部申請指揮並
更不置司以後並依此

七年八月三日詔差大禮使張浚禮儀使秦檜禮衛使

張守禮器使兼禮頓使陳與義

改九月罷大禮使改差
樞密使秦檜其禮儀使

參知政事
張守義

十年八月二日詔差大禮使檜秦禮儀使兼禮衛使孫

近禮器使兼禮頓使王次翁

三十一年八月二日詔差大禮使尚尚書左僕射陳康

伯禮儀使尚書右僕射朱倬禮衛使知樞密院事葉義

問禮器使兼禮頓使參知政事楊椿

淳熙六年七月三日禮部太常寺言勘會今來明堂大

禮合差五使今檢始皇祐至紹聖新享明堂典禮所差

五使稱呼並依郊祀禮例差大禮使禮儀使禮仗使鹵

簿使橋道頓遞使惟政和七年有司以皇祐已來明堂

當一郊故詣太廟景靈宮行禮陳法駕鹵簿回宿文德殿即轉仗自宣德門陳列南至天漢橋今明堂係于郊享次年行禮故不詣太廟景靈宮即車駕不出皇城惟列仗于宣德門外所有鹵簿儀仗更不排設是年五月二十二日詔改儀仗使為禮衛使鹵簿使為禮器使橋道頓遞使為禮頓使為禮頓使自紹興元年至十年明明堂大禮當時車輅儀仗未備其所差五使係依政和七年禮例差官今來明堂大禮既當一郊又前二日朝獻景靈宮前一日朝享太廟已降指揮一如郊祀之制及鹵簿車輅儀仗並依淳熙三年已降指揮排設應奉自合差大禮使禮儀使儀仗使鹵簿使橋道頓遞使欲乞並依皇祐至紹聖親享明堂典差官詔依

六日詔差大禮使丞右相趙鼎禮儀使樞密使王淮儀
仗使參知政事錢良臣鹵簿使少傅保寧節度使充醴
泉觀使兼侍讀史浩橋道頓遞使少保寧武軍節度使
充醴泉觀使曾觀并以職事為序

八日參知政事錢良臣劄子奏伏蒙聖恩差充明堂儀
仗使臣有區區之懇輒聞天聽竊惟五使之序止以職
事為定臣偶備員政府濫在第三史浩以舊學元老兩
登相位今廼下居四人之列而臣資望猶淺一旦超躡
遽出其右揆之私義實所未安伏望聖慈酌以權宜之
制改臣所領處浩之次庶幾不致度越者舊以貽衆指
臣不勝大幸詔大禮五使以職為序鄉見參機政自有
前郊體例不須謙辭

九年九月二日詔差大禮使左丞相王淮禮儀使右丞相梁克家儀仗使知樞密院事周必大鹵簿使參知政事李彥穎橋道頓遞使安德軍節度使開府儀同三司充萬壽觀使趙伯圭

中興禮書第六十八卷

吉禮六十八

明堂行事官一

執事
人附

紹興元年四月三日禮部太常寺言今來明堂大禮合
差分獻官乞候討論定合祭神位今太常寺具差官員
數申請及自來大禮係差捧毛血盤蕭蒿篚肝臂豆抬
鼎執事官員數稍多所有今來大禮緣行在宗室及見
任并待次官數少差攝不足欲乞令先次設置即不須
差官于儀別無妨礙詔依

七月二十九日太常寺言明堂大禮自來依儀進熟禮
部尚書薦邊豆盞簋戶部兵部工部尚書薦俎今來明
堂大禮執事官員數闕少欲乞除配帝二位俎饌令執

事人捧升殿西階上隨地之宜權立以俟禮部尚書等

依儀奠獻詔依

四年至十年
做此

九月二日太常寺言將來明堂大禮前一日朝享太廟別廟合違官一員往溫州奉安宗廟神主處行禮奉聖旨差右監門衛大將軍士芑本寺欲專牒本官日下起發于九月八日受誓戒以前到溫州赴赴受誓戒致齋行事或九月八日未到溫州欲令本官于所至州縣依受誓戒禮例已後沿路不得弔喪問疾作樂赴赴致齋行事詔依

同日太常寺言今來明堂大禮合差亞獻終獻各一員伏乞朝廷差官詔亞獻差嗣濮王仲湜終獻右監門衛大將軍信州防禦使令話

紹興四年亞獻嗣濮王仲湜
七年安定郡王今應十年

慶軍承宣使同知太監王士金三十一
年皇太子李瓘
平節度使開府儀同三司建王淳熙
六年十一月九年皇太子
傳紹興四年七月終年同刊太宗正
事上張十年
觀祭使安時三十一
年昭化軍節度使嗣
准王士籍淳
熙六年少保岳陽軍節
度使充充為壽觀使
永陽郡王
居慶九年保康軍節度使
及舉始神觀朝遊王士
敬

四年四月七日禮部太常寺言今具合行禮儀事件

一昨來明堂大禮前一日朝享太廟係差宗室南班官

自行在赴温州行禮緣今來已專差南班官士街在溫

州充獻官欲乞就差本官充前一日朝享初獻官行禮

一行事應奉官侍祠官亞終獻左僕射左丞等三十員

分獻官一百員今省減止乞差五十八員內上二十五位差分獻官

五員餘七百四十二位每十四捧俎官二十四員龕壝

奉禮郎六十員今省減止差五員上二十五位行事外

餘並以執事供官充代龕壝木爵官一百四十員乞更

不差官止以執事供官充代祇應人贊者一百二十四人今省減止乞差八十二人供官一百二十人今省減止乞差一百人詔依

五月七日禮部言太常少卿陳楠等劄子今來明堂大禮其五帝神州地祇位未審依近來郊祀大禮體例命分獻官行禮唯復依皇祐故事皇帝親獻執送禮部勘當申尚書省據太常寺申親獻五帝雖係皇祐故事爰自崇寧釐正郊禮以來所有五帝及神州地祇並係分獻今來雖率循皇祐前規即非專用皇祐儀制今勘當其五帝及神州地祇欲依崇寧禮分獻詔依

十六日禮部言皇叔象州防禦使士街狀昨奉聖旨差充五享獻官崇奉宗廟見在温州所有今來明堂大禮

前一日朝享太廟差士街充初獻行禮所有亞終獻并其餘行事執事官薦香燈官自來係差宗室今降指揮並差温州見任或寄居文武官行禮竊慮未致精虔欲乞朝廷特降指揮應行執事等官官乞先差温州見任或寄居宗室行禮如不足即次差文武官批送勘當申尚書省據太常寺申若依本官所乞即別無妨礙詔依六月六日禮部言准都省批送下太廟景靈宮提點奉迎所申為將來明堂大禮乞降前二日奏告祖宗配侑御封香祝等送部勘當申尚書省尋下太常寺勘當到下項 一今來明堂大禮前一日分詣温州太廟別行禮其檢察祠事官係依例差本所提點官充官闡令二員已有見今太廟幹辦官外其光祿卿丞奉禮郎郎太

祝舉冊官太官令薦香燈官並令温州于見任文武官
內差如不足差寄居待闕官令勘當欲依本所所乞

一紹興元年明堂大禮前一日遣官詣太廟別廟行禮
係初獻掌誓本所提點官通攝荏行事執事官就太
廟齋坊于行禮前十日受誓戒散齋致齋並如儀所有
今來明堂大禮欲依上件禮例今勘當欲依本所所乞
詔依

八月知南外宗正事仲弼言伏都自來冬祀或明堂大
禮依差南班官竊見紹興明元年明堂前南外宗官士
樽乞赴行在執事蒙朝廷許令趨赴今來明堂大禮欲
望特降指揮許仲弼于明堂前一月起發赴行在詔免
赴行在

九日禮部太常寺言昨來明堂大禮檢葺會正令諸大
享行事執事陪祠官受誓日或散齋致齋內式假未滿
及遇私忌並赴所有今來明堂大禮欲依上件令文詔
依

二十二日禮部太常寺言祀郊大禮侍祠行事官昨建
炎二年差刑部尚書實鑊水刑部侍郎增沃鑊水今來
明堂大禮欲依建炎二年郊祀大禮體例差官今欲省
煩就簡契勘工部尚書見捧灰俎欲乞就攝刑部尚書
實鑊水禮部侍郎見省牲視腥熟節欲乞就攝刑部侍
郎增沃鑊水即于行禮別無相妨詔依

七月十三日閣門言王晉具到明堂大禮閣門官更不
前導檢會近朝廷降到寶元二年李淑等編修到儀制

令內一項應遇大禮內容省使閤門副使並鞞笏前導及見行令閤門官大禮亦前導至今並無不前導之文顯是見行令係將祖宗舊制修為成法今東緣有祖宗舊制合行奏請詔大禮前導侍立官祖宗已修為儀令永法可依寶元二年以後并見行儀令施行

二十五日禮部言祠部員外郎兼權太常少卿謝飯奏伏覩前一日朝享太廟已降指揮差宗室士街充初獻行禮外唯闕景靈宮朝獻之禮欲乞于大禮前二日依朝享太廟禮例差官分詣送禮部勘當申尋據太常寺申勘會自來大禮前二日車駕詣景靈宮天興殿聖祖前行禮其東西宮逐殿神御僚差官分詣燒香昨自建炎二年却祀大禮并紹興元年明堂大禮并係朝廷降

勅差執政官詣行在天慶觀聖禮祖前行禮今來明堂
大禮已降指揮依逐次禮例差執政官行禮今來謝飯
奏乞大禮前二日朝獻聖祖差三獻降祝冊分詣行禮
今勘當合依前項累降指揮施行詔依

二十九日禮部太常寺言昨自紹興元年明堂大禮差
太官令二員一員酌亞終獻酒監視宰殺牲牢服祭祀
服一員持委服常服今來明堂大禮欲乞止差太官令
一員酌亞終獻酒監視宰殺牲牢兼博黍服祭服行事
詔依

八月二日禮部太常寺言勘會明堂大禮依條例合差
司尊彝官一員自來係差祭器庫官今來即無祭器庫
官兼紹興元年明堂大禮其所差司尊彝官係降指揮

令膳部下翰林司差官一員搢攝司尊彝官執事今欲
乞依紹興元年明堂式禮例差官詔依

七年五月七日禮部太常寺言今條具差行事官下項

一今來大禮前二日朝獻景靈宮其合差行事執事
官乞依自來禮例就差明堂行事執事官充候將來申
請令一就稱說窠目差官一前一日朝享太廟依儀每
室合差捧蕭蒿筐捧肝腎豆捧毛血盤官各一員捧蓮
豆簋簋官四員并差南班并外官宗室充共合差官七
十七員今欲乞將蕭蒿筐肝腎豆毛血盤蓮豆簋簋依
常享禮例更不差官令執事人依儀先次設置即不減
損禮制 一前一日朝享太廟依儀每室合差捧俎官
六員舉鼎官八員共一十四員並以南班及外官宗室

充共合差一百五十四員今欲乞就差明堂捧俎官一十二員通袞逐室捧俎行事其依次諸室俎饌依例先令執事人預捧于諸室前以俟奠獻所有合用鼎欲乞下工部指揮文思院制造其舉鼎官更不差官 一前一日朝享太廟依儀諸室合差薦蓮豆官一十一員薦牛俎官一十一員薦羊俎官一十一員薦豕俎官一十一員共合差四十四員並以南班宗室充今欲乞除薦蓮豆官更不合差官外其薦牛俎官薦羊俎官薦豕俎官欲依常享禮例依共差三員詣諸室薦牛羊豕俎行事其合差官乞下行宮大宗正司預行開具南班宗室職位員數申朝廷降勅官差 一前一日朝享太廟依儀合差薦香燈官一十一員良醞令一十一員進幣爵

酒官爵受酒官奉幣官受幣官盪洗奉爵官奉瓚盤官各一員並以南班宗室充今欲乞除良醞令止差一員詣詣室通衮行禮外其餘官內薦香燈官一十一員乞令建康府差外官宗室充其良醞令進幣爵酒官受爵酒官奉幣官受幣官盪洗奉爵官奉瓚盤官各一員以南班宗室乞下行宮大宗正司預行具職位員數申朝廷降勅差定其前項所差官並于大禮前五十日赴行在 一前一日朝享太廟依儀合差宮闈令一十一員內除本廟二員外餘九員報入內侍省差官 一前一日朝享太廟合差舉冊官四員以南班宗室充今欲乞就差明堂舉冊文臣四員通衮行事詔依

二十三日禮部太常寺言今具下項 一今來明堂大

禮欲乞申吏部依自來大禮體例差收微殘燭小使臣
二員將收到殘燭牒送江東轉運司收管 一今來明
堂大禮并前二日朝獻景靈宮前一日朝享太廟所差
行事官欲乞依禮例太常寺具窠目中中書省差官
一自來大禮進玉幣并進爵酒官係左僕射一員行事
今來明堂大禮前一日朝享太廟合差奉瓚官一員進
瓚并進幣爵酒官一員進爵幣今欲乞比附進玉幣爵
酒禮例止就差進幣爵酒官兼進瓚官詔依

二十八日禮部太常寺言自來明堂大禮依儀進熟執
事官舉鼎于西階下出熟體于俎訖戶部兵部工部尚
書捧俎升殿奠獻紹興元年并四年明堂大禮止就饌
幔內出熟體于俎訖戶部兵部工部尚書依儀奠獻所

有今來明堂大禮欲乞依上件體例詔依

六月十三日禮部太常寺言條具到合行事件 一前

一日朝享太廟欲乞令薦羊俎豆兼祗滌濯省牲省鼎
鑊祗濯洗并實鑊水及令薦豕俎官兼省牲祗腥熟節
并增沃鑊水行事 一將來明堂大禮前一日朝享太
廟所有依儀合撤籩豆欲乞令薦牛俎官兼撤籩豆行
事詔依

十九日禮部太常寺言自來大禮前一日朝享太廟祀
七祀并配享功臣合差獻官共二員係朝廷降勅差官
內七祀合差太祝一員係吏部差官所有今來祀七祀
并配享功臣合差官欲乞依禮例令太常寺前期申請
差官詔依

二十七日禮部太常寺言昨紹興四年明堂大禮差內侍二員進徹飲福俎及差內侍二員監宰殺及禮畢頒散酒胙并收徹胙表于通進司投下依例係太常寺報入內侍省差官所有今來明堂大禮并前二日朝獻景靈宮前一日朝享太廟合差內侍欲乞依上件禮例詔依

七月十六日吏部言每遇大禮太常寺預行申乞差官行事本部有到部待次承務即以上官依法差牒前去若不足差釐務官欲乞候太常寺申到差官日即許差行在釐務官如不足仍乞差州縣官詔令吏部于鎮江府廣德軍太平宣州見任官內通融差撥

八月二十日又言所差行

事官為表習行事日過恐期見不及及欲乞將外州軍差到行事官並充見辭詔依

二十五日禮部言承都省送下門下後省狀昨在京日
每遇大禮分若車駕出外行禮應所過門每門于本省
差城門卽二人對立今來後係明堂大禮已降指揮車
駕經由所過門等合與不合撥送看詳下太常寺勘會
昨在京日係經由宣德朱雀南薰參禋門揚州係經由
駐驛門其逐門各係曾差城門郎去處今來明堂大禮
係詣太廟行禮所有合差城門郎欲乞依昨揚州禮例
令門下後省差撥詔依

八月二十日中書門下省言將來大禮合差職事等官
行事緣內有見任行宮供職之人竊慮不敷所差之數
理宜措置詔于建康府管下縣分寄居待闕及到堂已
未除授差遣官內貼差

二十二日中書門下省言來大禮合差職事等官行事
內有見在行宮供職之人已降指揮于建康府管下縣
分寄居待闕及到堂已未除授差遣官內貼差緣逐官
別無添給理宜措置詔寄居待闕并堂參被差行事及
吏部所差職事官各給驛券一道仍令所屬日下出給
自授付身日起支禮畢後五日住罷

十年四月二十八日禮部太常寺言今來明堂大禮已
降指揮添設宮架樂舞依儀合差押樂太常卿并殿下
協律郎各一員詔依

閏六月二十日禮部太常寺言將來明堂大禮前一日
朝享太廟合差薦香燈官係差南班宗室充其紹興七
年緣大宗正司係在行宮遂申請牒建康府差外官宗

宗室行禮所有今來朝享太廟薦香燈官欲乞令大宗
正司依自來例差薦香燈官一十一員以南班宗室充
詔依

七月十一日樞密院言人內侍省申將來明堂大禮
合差供祠執事使臣并宮闈令各一十一員據點班申
契勘紹興七年供事執事使臣差八人宮闈令共六人
袞同趨辦今欲乞將供祠執事并宮闈令使臣依紹興
七年已解人數差撥詔依

二十五日禮部言准都省批送下太常少卿陳桶劄子
自來大禮依儀戶部兵部工部尚書奉俎入門舉鼎官
舉鼎從入至西階下太官令以匕于鼎升熟體載于俎
今來明堂大禮御藥院承指揮令文思院造舉鼎官祭

服三十二副今欲乞從本寺申吏部依上件已製祭服
并自來大禮禮例差明堂舉鼎官三十二員依儀舉鼎
至殿西階下出熟行事送部看詳尋據太常寺勘會若
行差官舉鼎出熟依得自來禮儀看詳欲依本官所乞
詔依

二十八日吏部言今來明堂大禮太常寺申差行事官
頗多緣本部目今在部待次官員少其間又有已注授
差違合朝辭前去之人今檢照紹興七年明堂大禮行
事官當時行在建康府本部為闕官許于鎮江府廣德
軍太平州宣州見任官內通融差撥今來明堂大禮行
事官比之前次大禮數多緣本部目今待次官數少欲
乞依紹興七年大禮差官例子臨安府并管下縣分見

任官及浙西安撫轉運司見任屬官內選差仍不許辭

並免見辭詔依

八月十二日知臨安府為瓊吉車駕駐

公布新辦今來辦明堂大禮事務至多要得府界熟官

管辦今准吏部差委本府及屬縣見任官茶州等一十

六員先大禮行事自有今月十一日已後每日赴法志寺

朝廷特降指擇故差招將已差關一官一事不辦伏望

一十六員今吏部據見在却待次官查覈差撥如不足

許于大禮行事官內貼差

三十日太常寺言來今明堂大禮係八月二十七日正

習儀其所差南班宗室如內有見在紹興府官欲乞指

揮大宗正司令逐官於正習儀前十日到行在詔依

中興禮書第六十九卷

吉禮六十九

明堂行事官二

紹興十年八月二十一日禮部太常寺言准都省送下
提點一行事務所幹辦官石延慶劄子於今月十一日
赴法惠寺點檢習儀竊有已見送禮部同太常寺看詳
申尚書省今具下項 一契勘國朝以來大禮執事並
差命官昨紹興四年明堂正配四位執籩豆簋蓋并捧
俎官除昊天上帝皇地祇兩位差官二十員外其太祖
皇帝太宗皇帝兩位祇以人吏二十人充代竊謂駁奔
助祭廼士大夫之職僮以胥吏雜廁其間恐致嫫媠於
禮未安今來行在及吏部未差員數尚多欲望朝廷下

太常寺依舊制差執事官二十員以稱嚴奉祖宗之意
今看詳欲依本官所乞令吏部貼差官二十員外兼勘
會自來大禮前一日朝饗太廟每室依禮例係合差捧
俎官六員今來明堂大禮前一日朝饗太廟係一十一
室依禮例共合差捧俎官六十六員除已降指揮就用
明堂捧俎官一十二員先詣倍祖翼祖兩室捧俎行事
外自宣祖至徽宗九室止令執事人捧俎升殿今已乞
將上件貼差明堂配位捧俎饌官二十員并朝堂正位捧
執籩豆簋簋官八員及於舉鼎官三十二員內令吏部
就差二十六員通作六十六員並就充太廟逐室捧俎
官行禮 一自來大禮所差分獻官百餘員每員分獻
從祀不過五七位昨紹興四年明堂從祀四百四十三

位止差分獻官三十五員其間每員分獻或十四五位多至十六位每位奠奠酌獻拜數至多且久恐隨趁殿上行禮節次不及以致黃遽不暇端肅兼其間亦有年高艱於拜跪者深慮行禮之際或至跛倚於禮未安今來行在職事釐務官尚有未差員數伏望量行添差分獻官十餘員庶幾各虔恭協贊祀事今看詳欲依本官所乞止添差分獻官一十員外其從祀上二十五位神位分獻官五員欲乞依舊其餘分獻官三十員令太常寺別作均定作四十員分詣行禮別具窠目中中書省差官及合添差贊者一十人亦乞就差太常寺人吏三人充攝外餘七人仍報吏部七司差撥正名貼司以上

光詔依

三十一年四月十六日禮部太常寺言將來明堂大禮其前二日朝獻景靈宮前一日朝饗太廟合行事務並依紹興二十八年大禮令有司各行檢照體例排辦所有合差捧執運豆簋蓋及捧俎官奉禮郎亞終獻盥洗奉爵官等欲乞依自來大禮例具合差官窠目申吏部于太廟俎俎官內就差詔依

五月八日禮部太寺言合行申請差官下項 一合差供祠執事并進徹飲福俎及監視宰殺牲牢灌茅祭酒禮畢頒散酒胙等內侍官乞依逐次大禮體例具合用員數報入內內侍省差仍前一月趨赴教習 一將來明堂大禮行禮畢係於殿內焚燎祝冊帶帛合差內侍二員監焚燎今欲乞依例下入內內侍省差官詔依

八月一日禮部太常寺言依近降指揮將來季秋大饗明堂近以孝慈淵聖皇帝升遐主上宮中實行三年之喪前期朝獻景靈宮朝饗太廟皆當遣大臣攝事主上唯親行大饗之禮所有儀仗拱張宿頓之屬令有司更不排辦將來明堂行禮應奉所須多事之際自合從宜今參酌合行事件下項 一前二日朝獻景靈宮聖祖天尊大帝合差初獻亞獻各一員乞朝廷降勅差宰執充 一前二日分詣景靈宮諸殿祖宗諸帝后神御前行禮合差分詣官三員乞從太常寺具分詣神御位數申中書省降勅差執政或侍從官 一前一日朝饗太廟別廟合差初獻亞獻終獻各一員乞降勅差親王宗室使相節度使以上官充 一依已降指揮明堂大禮

并朝獻景靈宮朝饗太廟捧俎等執事官並於吏部差
待次文武官充今宋景靈宮太廟差大臣攝事今欲乞
將景靈宮捧俎并運豆盞蓋官六員並分詣中後殿太
祝五員並於吏部差待次文臣充及太廟別廟止乞差
捧俎官一十二員薦香燈官五員別廟太祝一員七祀
太祝一員並於吏部差待次文臣充所有明堂大禮係
是親饗其合差捧俎官執運豆盞蓋官舉鼎官亞終獻
盥洗奉爵官并奉禮郎並乞令具稟月申吏部差行在
職事釐務官充 一前一日朝饗太廟依儀合設運豆
盞蓋於饌慢內俟薦獻時執運豆盞蓋官捧入以授薦
運豆盞蓋官逐室薦獻今宋若依儀差捧執官緣差官
稍多若令執事人捧執升殿又緣供官數少及依已降

指揮更不於諸處借差供官令欲隨宜止差執運豆簋
蓋官八員通袞逐室薦獻其餘運豆簋蓋於殿上酒尊
所先次設置薦獻時令執事人逐位捧執以授薦官薦
獻 一今來明堂大禮係皇帝親饗百官合赴陪位外
所有前二日朝獻景靈宮并前一日朝饗太廟係遣官
行禮百官即不合陪位立班詔依

七月禮部太常寺言將來明堂大禮神位係一十七位
今來除正配二位外其殿上從祀一十位合差分獻官
五員東廊從祀五位合差分獻官五員并明堂大禮所
差應奉侍祠行事官並乞從太常寺一就具窠目申中
書省降勅差官詔依

十七日權禮部侍郎金安節等言將來明堂大禮應行

事執事官務在嚴肅合有申請事件下項 一檢會大
中祥符元年十一月二十四日龍圖閣待制陳彭年言
今月二十七日太廟上尊謚冊寶前夕宿齋其日私忌
望不禮官詳定太常禮院言唐貞元八年言作監元旦
攝太尉薦饗昭德皇后廟以私忌不受誓戒為御史劾
奏今假寧令雖有給假一日之文又緣春秋之義不以
家事辭王事望令彭年依例宿齋從之欲乞依前件故
事今年明堂大禮并日後祠祭應行事執事官於受誓
散齋致齋行禮日分之內如遇私忌依舊赴行禮
一檢會天聖七年十月一日詔詞祭行事官已受誓戒
別有差違須畢祠事方得趁職欲乞依前件故事今來
差充明堂并日後祠祭應行事執事官若別有差違依

舊赴赴行禮畢方得赴職詔依

淳熙六年五月十四日禮部太常寺言勘會自來明堂大禮止就饌幔內出熟體於俎乞戶兵工部尚書依儀奠獻其捧俎捧執運豆簋蓋官止共差二十員通衮行禮今來明堂大禮合差捧俎捧執運豆簋蓋官二十員并就饌幔內出熟體設於俎欲乞并依前項禮例其朝獻景靈宮朝饗太廟合差捧俎并捧執運豆簋蓋官欲乞依逐次大禮禮例於今來明堂大禮所差捧俎等官內就差通衮行禮詔依

七月三日樞密院劄子詔明堂大禮差官下項主管大內公事四員行宮使七員棧城裏都巡檢使二員棧城裏都同巡檢三員都大提舉主管并一行應奉支用物

色等兼主管監散賞給二員帶甲二員都大主管排連
提舉鈐轄捧日奉宸隊并法駕鹵簿儀仗兵隊一員幹
辦排連法駕鹵簿儀仗兵隊二員鞞輅前編排引駕臣
僚及御營四面巡檢六員金玉輅前後往來經絡提點
編排捧日奉宸兵隊以下人等二員金玉輅前後往來
經絡編排執儀仗人等二員所差官以管軍環衛官
及內侍充自後做此
四日太常寺言今來明堂大禮行事官數內合差分獻
官八十員本寺已申朝廷降勅差官外若於受誓戒以
前如內有病患或事故之人欲乞從本官或本官所管
官司將所授勅牒繳申吏部依淳熙三年禮例令吏部
照本官所授職事窠目從本部擬定改差官訖具職位
申尚書省降勅仍令吏部繳元授勅牒申朝廷毀抹詔

依

十日中書門下省言今來明堂大禮并朝獻景靈宮朝
饗太廟別廟所差行事等官內職事稍重之人往往託
故申乞改差未稱嚴恭之意詔令禮部太常寺日下檢
坐條法指揮申嚴應被差行事等官如敢依前託故避
免申乞改差之人委臺諫密切覺察具名彈奏取旨
日同臨安府申照對今歲明堂大禮並係本府應辦及
將來全國使人赴闕賀會慶聖節等事務本府雖已分
官差屬與錢塘仁和縣城南北廂官并力管幹竊慮所
差官不時蒙省部差充諸處祀祭行事至時又蒙朝廷
差充大禮行事或執事陪祠前期受誓恐闕官應辦欲
望朝廷特降指揮依前郊體例免差本府官屬行事等

庶得專一應辦大禮國信事務不致闕誤劄付禮部依

所申事理施行

七月十八日都省劄子臨安府中照前

新辦公事分定地分提督今又蒙朝廷臣大札行事或

執事信相前期受學關官應辦敬望朝廷劄下吏禮部

照會依不府官屬大禮體例

十二日太常寺言逐次明堂大禮所設神位四百四十

七位依儀差監察御史二員按視糾察等今來明堂大

禮所設神位並依南郊禮例比之逐次明堂大禮添設

衆星三百二十四位共七百七十七位係於行禮殿及

隔門外東西南廊鋪設竊緣廊廡地步稍遠神位數多

並要嚴肅所有明堂大禮并朝獻景靈宮朝饗太廟奏

告太祖皇帝室太宗皇帝室差監察御史二員外其隔

門外欲乞添差監察御史二員如闕乞于本寺官及鄉

監內差官詔依

八月九日太常寺言閤門關檢會紹興三十二年七月七日已降指揮閤門官每遇車駕行禮與行事官同進中嚴外解嚴牌及前導等行事今後令太常寺依例同行事官具窠目申朝廷降勅差所有今來明堂大禮應行禮等處閤門官窠目下項二員前前導皇帝一員進中嚴牌一員進外辦牌一員進解嚴牌一員承旨宣答詔依後皆此

十九日臣僚上言今來明堂大禮所差行事等官內職事稍重之人往往託故申乞改差未稱嚴恭之意奉聖旨委臺諫密切覺察具名彈奏臣訪聞提轄行在權貨務都茶場梁季珩近准勅差充明堂大禮西廊從祀神

位賊曰北洛師門天網天錢泣星哭星并衆星三位前行禮分獻官季珩惡其星名不祥輒以見患膝疼拜跪稍多便覺費力為辭前後三次中乞改差廟堂見其本無足疾未欲為數奏聞季珩每對賓客宣言決不赴赴已而乞遂所請聞者驚駭臣仰惟陛下稽古禮文舉行盛典黃畏祇肅精浸潛通凡在臣工莫不仰體聖意願効駿奔各恭厥職季珩何人乃敢故違詔旨顯無畏悛欲望聖慈特賜睿旨重作施行詔梁季珩放罷行事官

案目

前祀十日質明受誓戒尚書省左僕射一員誓行事執

事陪祠文武官

乾道九年改稱左右丞相以復做此

刑部尚書一員淮誓

太廟右僕射一員誓行事執事陪祠宗室刑部侍郎一

員泚誓前三日奏請致齋日侍中一員奏請皇帝降座
詣齋室前二日奏告太祖皇帝室太宗皇帝室奏告官
一員監察御史二員光祿卿一員奉禮部一員太祝一
員太官令一員前二日朝獻景靈宮分詣三員一員詣
祖宗諸帝神御前行禮一員詣昭憲皇后至慈聖光獻
皇后神御前行禮一員詣元天大聖后并宣仁聖烈皇
后至顯仁皇后神御前行禮太員祝三員明堂大禮并
前二日朝獻景靈宮前一日朝享太廟行事官禮部侍
郎二員一員奏請致齋日并逐處行事日及肆赦奏中
嚴外辦一員奏請致齋日并逐處行事日及肆赦御前
奏中嚴外辦殿中監一員逐處進接圭兼進飲福酒復
受虛爵贊導太常卿一員禮部郎中二員一員逐處行

事禮畢奏解嚴一員逐處行事禮畢御前奏解嚴太常

博士四員一員贊引禮儀使一員贊引太常卿一員贊

引亞獻一員贊引終獻車駕自太廟乘玉輅詣麗正門

內降輅淳熙六年以後朱輅侍中一員奏請車駕升降承旨參知

政事一員奏請車駕進發及少駐執綏官一員乘黃令

一員進輅肆赦自紹興元年至三十一年並係殿廷宣赦年不曾差官淳熙六年九月登門肆赦

刑部尚書一員詣班首前受制書以授所司中書令一

員承旨宣制并奏禮畢參知政事一員授赦書奏制書

請付外施行稱宣付班首以制書授班首明堂大禮并

前二日朝獻景靈宮前一日朝享太廟亞獻一員終獻

一員監察御史二員并前二日奏告太祖皇帝室太宗

皇帝室淳熙六年又必差讀冊官一員押樂太常卿一

員并肆赦光祿卿一員明堂巡牲牽牲詣厨入室遵豆
簋蓋并前二日奏告太祖皇帝室太宗皇帝室舉冊官
四員太府卿一員設幣登歌押樂太常卿一員光祿丞
一員明堂巡牲牽牲詣厨兼監饌造協律郎二員一員
殿上舉麾一員殿下並麗正門下舉麾奉禮郎一員設
皇帝版位良醑令一員逐處酌皇帝獻酒搏黍太祝一
員逐處進搏黍兼肺祭奠冊太官令二員一員明堂并
景靈宮酌亞終獻酒太廟酌亞獻酒兼監視宰殺牲牢
并搏黍等一員太廟酌終獻酒亞獻終爵盞官二員盥
洗官一員悅巾拭爵巾官一員捧俎捧執籩豆簋盞官
二十員供祠執事內侍官一十一員進徹飲福俎內侍
官二員監視宰牲牢及禮畢頒散酒胙表二員監焚燎

祝冊幣帛內侍官二員明堂大禮并前二日朝獻景靈
宮左僕射一員申祗滌濯兼進玉幣爵酒吏部尚書一
員以玉幣授左僕射戶部尚書一員薦牛俎并徹兼進
飲福俎并徹禮部尚書一員祗滌濯省牲省鼎鑊滌濯
溉薦籩豆簋蓋并徹刑部尚書一員實錢水吏部侍郎
二員一員受玉幣爵酒兼瘞幣冊一員盥洗進爵以爵
詣尊酌酒訖授左僕射兼燎幣冊禮部侍郎一員明堂
省牲視腥熟節刑部侍郎一員增沃錢水少府監一員
設玉太社令一員積柴掃除設神席升煙束茅明堂行
禮兵部尚書一員積羊俎并徹工部尚書一員薦豕俎
并徹禮部侍郎一員省牲視腥熟節前一日朝饗太廟
進幣爵酒官一員兼進瓚并申祗滌濯受爵酒官一員

以爵酒投進爵酒官奉幣官一員以幣投進幣官受幣
官一員受幣兼受爵復於玷盥洗奉爵官一員盥洗進
爵以爵詣尊所酌酒訖以爵酒投受爵酒官奉瓚盥官
一員盥洗進瓚以瓚詣尊彝所酌鬯訖以瓚投進瓚
官薦牛俎官一員薦牛俎并徹籩豆俎兼進飲福俎薦
羊俎官一員薦羊俎兼取滌濯省牲省鼎鑊胾濯滌實
鑊水官一員薦豕俎官一員薦豕俎兼省牲胾腥熟節
增沃鑊水官一員薦香燈官一十一員七祀獻官一員
七祀太祝一員奉奏神主官一員配饗功臣獻官三員
一員詣東幄次前行禮二員詣西幄次前行禮官闈全
六員前一日饗別廟行事官初獻一員終獻一員亞獻
一員監察御史一員捧羊俎兵部尚書一員捧豕俎工

部尚書一員光祿卿一員光祿丞一員奉禮部一員太
祝一員太官令一員宮闈令一員分祀九宮責神行事
官初獻一員亞獻一員終獻一員監察御史一員捧羊
俎兵部郎中一員捧豕俎工部郎中一員光祿卿一員
光祿丞一員奉禮郎一員太祝一員太社令一員太官
令一員分祭太社太稷行事官初獻一員亞獻一員終
獻一員監察御史一員捧羊俎兵部郎中一員捧豕俎
工部郎中一員光祿卿一員光祿丞一員奉禮郎一員
太祝一員太社令一員太官令一員

中興禮書第七十卷

吉禮七十

明堂行事官三

紹興三十一年明堂前期朝獻景靈宮朝饗太廟遣大臣攝事行事官景靈宮初獻一員亞獻一員終獻一員戶部尚書一員薦乳俎并微禮部尚書一員薦籩豆簋蓋并微監察御史一員讀冊官一員舉冊官二員押樂太常卿一員光祿卿一員入實籩豆簋蓋登歌押樂太常丞一員光祿丞一員監饌造奉禮郎一員協律郎二員一員殿上舉麾一員殿下舉麾太社令一員掃除等太官令一員酌初亞終獻酒太廟初獻一員亞獻一員終獻一員戶部尚書一員薦牛俎并微禮部尚書一員

薦遵豆簋簠并徹兵部尚書一員薦羊俎工部尚書一員薦豕俎監察御史一員讀冊官一員舉冊官四員押樂太常卿一員光祿卿一員入贊遵豆簋簠登歌押樂太常丞一員光祿丞一員監饌造七祀獻官一員七祀太祝一員配饗功臣獻官三員二員詣西幄次行禮一員詣東幄次行禮奉禮郎一員協律郎二員一員殿上舉麾一員殿下舉麾太祝一員徹遵豆等太官令一員酌初獻終酒分獻官紹興元年不設從祀不曾差官四年三十五員七年東廊從祀星位禮位青帝至大明四位一員天皇大帝至水神四位一員祝融至北嶽五位一員太一至太陽守十四位一員勢星至女宿十四位一員織女至鬼宿十四位一員參星至天雞十四

位一員漸臺至鈞鈴十四位一員西咸至太尊十四位
一員積水至閻道十四位一員策星至楚星十四位一
員越星至天門十四位一員庫樓至四墳十四位一員
軍市至外屏十四位一員八魁至西山十四位一員東
林至南墳十四位一員西墳至北濕九位并衆星五位
一員衆星十三位一員西廊從祀赤帝至火神六位一
員金神至西嶽六位一員帝座至相星十四位一員天
理至虛宿十四位一員牛宿至柳宿十四位一員井宿
至右旂十四位一員輦道至鍵閑十四位一員周伯星
至內平十四位一員積薪至附路十四位一員王良至
燕星十四位一員鄭星至五柱十四位一員衡星至老
人星十四位一員野鷄至天涸十四位一員土司空至

中山十四位一員北山至東城十四位一員中墳至西
隅九位并衆星五位一員衆星十三位一員

十年四十五員東廊從祀青帝至大明四位一員天皇
大帝至土神四位一員勾芒至南嶽五位一員北斗至
大火十位一員中鎮至箕宿十位一員尾宿至織女十
位一員建星至司危十位一員司非至右旂十位一員
天鷄至宗星十一位一員宗人至斛星十一位一員天
市垣至招搖十一位一員梗河至九卿內座十一位一
員東山至天壘城十一位一員離瑜至鄭星十一位一
員越星至康星十一位一員奘星至騎官十一位一員
頓頑至長沙十一位一員土司空至中郎十一位一員
東陵至南原十一位一員中原至中隰四位并衆星七

位一員衆星十一位一員西廡從祀白帝至金神六位
一員水神至北嶽六員位一員帝座至諏壻十位一員
河漢至八穀十位一員杠星至北海十位一員西嶺至
昴星十位一員胃宿至權星十位一星三台至處黃十
位一員靈臺至北河十位一員天鵠至天高十位一員
礪石至更左十位一員天大將軍至雲雨十位一員霹
靂至虛梁十位一員墳墓至中澤十位一員西澤至矢
星十位一員水位至孫星十位一員子星至參旂十位
一員附耳至天倉十一位一員鈇鎖至天網十一位一
員天鏡至北衍十一位一員西原至北隰四位并衆星
七位一員衆星十一位一員

三十一年七員殿上五員青帝帝太昊氏一員赤帝帝

神農氏一員黃帝帝有熊氏一員白帝帝少昊氏一員
黑帝帝高陽氏一員東廊勾芒祝融一員后土蓐收真
冥一員

淳熙六年八十員九年東朶殿三員青帝至大明四位
四一員天皇大帝至土神四位一員勾芒至南嶽五位
一員西朶殿二員白帝至金神六位一員水神至北嶽
六位一員東廊二十八員北斗至大火十位一員壽星
至大理十位一員陰德至南鎮十位一員中鎮至箕宿
十位一員尾宿至織女十位一員建星至司危十位一
員司非至右旂十位一員天鵝至屠肆十位一員宗星
至車肆十位一員斗星至周伯星十位一員西咸至郎
將十位一員郎位至中林十位一員東川至晉星十位

一員韓星至天田十位一員狗園至傳說十位一員神
宮至折威十位一員陽門至土司空十位一員左右轄
至中郎十位一員西郎至中墳十位一員西墳至中原
十位一員西原至北隰并衆星三位一員衆星七十位
七員西廊二十五員帝座至報警十位一員河漢至八
穀十位一員杠星至北海十位一員西瀆至昴宿十位
一員胃宿至權星十位一員三台至虎賁十位一員靈
臺至北河十位一員天罇至天高十位一員礪石至左
更十位一員天大將軍至雲雨十位一員霹靂至虛梁
十位一員墳墓至中澤十位一員西澤至矢星十位一
員水位至孫星十位一員子星至參旂十位一員附耳
至天庑十位一員天倉至芥鉞九位一員敗白至哭星

六位并衆星三位一員衆星七位十七員南廊二十二
員第一重衆星四十八位四員第二重衆星五十位五
員第三重衆星五十位五員第四重衆星六十六位七
員

執事人

紹興元年七月十四日禮部太常寺言今續次參酌合行
事件下項 一今來明堂大禮合差贊者五十九人贊
引行事執事官行禮今來見管贊者一十六人外見闕
贊者四十三人欲乞下進奏院并臨安府分差不係三
路兇惡等人前四十四日起寺教習行禮儀範 一合差
供官七十七人排設神酒禮料鋪設祭器幣帛茅草升
煙瘞血禮神真玉等今來除見管供官二十七人外見

闕供官五十人欲乞差太常寺職級胥佐貼司外其餘不足人數乞依例下禮祠部差借又不足乞下臨安府諸縣差借前四十日赴寺教習詔依

二十八日太常寺言參酌禮例格令自來明堂大禮依條例合差贊者三十四人今來見管贊者五人今欲乞拘收元係本寺贊者見于省部等處係名與文見請請給權行發遣赴寺詔依

七年七月十四日禮部太常寺言今來所借贊者供官係明堂行禮并朝獻景靈宮朝饗太廟三處并是入禁衛內往來御前贊引行事執事官行禮并供設祭器排辦禮料升殿應奉之人理合措置嚴切覺察今欲乞將所借贊者供官令逐處當職官子細驗認並係正身及

不係代名百姓亦不係三路兇惡人數當官給封封臂
訖保明別無姦偽具狀于大禮前四十日發赴寺教習
逐處儀範詔依

十年七月二十七日禮部太常寺言准都省劄子勘會
將來明堂大禮所闕贊者供官內有于進奏院臨安府
并錢塘仁和兩縣所差人數雖已降指揮緣上件贊者
供官並係入殿奉應之人事體至重劄付禮部同太常
寺日下重別措置申尚書省令重別措置到下項一
數內贊者除太常寺見等外計闕四十四人今依已降
指揮差借太府司農寺太宗正司吏人各三人宗正寺
軍器將作監各二人外欲將進奏院臨安府所借吏人
各二十九人乞於吏戶部分差內吏部七司選差一十

五人戶部五司選差一十四人並差正名貼司已上人
充一數內供官除太常寺見管外計闕四十六人今
勘會除禮部四司人吏合差充捧祝冊職掌并看上樽
福酒無人可差外今欲乞於兵刑工分差內兵部四司
選差一十六人刑部四司選差一十五人工部四司選
差一十五人並差正名貼司已上人充所差借贊者供
官係合差不拘父母服制之人並乞前四十日當官封
臂保明正身發遣赴太常寺教習詔依

供官并如
郊祀之制

淳熙六年九月
明堂差借贊者